



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. III. An per substitutionem pupillarem excludatur Mater à successione filii  
impuberis?

---

[urn:nbn:de:hbz:466:1-61641](#)

tals illi decesserint. Tertia dicitur Exemplaris sic dicta, quia introducta est ad exemplum pupillaris; ob quod etiam quasi pupillaris dicitur, quā parens v.g. sibi faciens Testamentum, liberis suis Furosis, aut mente captis, puberibus, etiam emancipatis, legitimā portione ipsi's relictā, hæredem substituit. Quarta dicitur reciproca, seu breviloqua, in qua Testator duos vel plures hæredes instituit, eosque sibi invicem substituit, instituo Cajus & Titium hæredes meos, eosque invicem substituo, ita ut si Titius non sit hæres, Cajus sit, & vice versa. Quinta dicitur denique Compendiosa, quæ verborum compendio places in se continet substitutiones secundum diversa tempora, & ætates &c. ut cùm dicit Testator, instituo filium meum hæredem, & si iste decesserit, substituo ei Cajum, quo in casu, si ante aditam hæreditatem, & ante Testatorem obierit v.g. filius, ex vulgari substitutione Cajus succedit: si verò post aditam hæreditatem, ante pubertatem tamen decesserit Filius, ex pupillari substitutione succedit Cajus.

## §. III.

*An per substitutionem pupillarem excludatur Mater à successione filij impuberis?*

Quod per substitutionem pupillarem expressam excludatur mater impuberis filii, & omnes ascendentēs per lineam maternam (ac multo magis Fratres, aut alij Consanguines) à successione hujus, etiam quoad legitimam ex variis iuriis Civilis Textibus, & ex Cap.

Si Pater b. t. in 6. pates: quamvis enim, ut ait Pontifex in citat. capit. filius aut filia in testamento suo, matrem legitimā portione, jure naturae ipsi debitā, privare non possit, potest tamen pater in testamento, quod Filio impuberi fecit, matrem omnino excludere, cùm tale Testamentum non tam sit filij, qui matrem à legitimā excludere non potest, si Testamentum facere possit, quam paternum filio impuberi factum, qui cùm nihil uxori suæ debeat in Testamento à se facto, per substitutionem talem expressam, eam videtur omnino excludam voluisse; neque tamen taliter exclusa censeri debet Mater per substitutionem pupillarem tantum tacitam, que implicitè continetur sub vulgati expressa, si filius impubes scilicet, hæres non est, Cajus hæres esto: quia leges tantum loquuntur de substitutione expressa pupillari, quod hoc scilicet matrem excludat, ergo non debet extendi ad odiosam exclusionem per tacitam pupillarem, nisi ex certis conjecturis appearat, mens patris testatoris, aut frater instituti, filius testatoris, substitutus sit, quia tunc præsumitur, quod testator voluerit hunc filium substitutum uxori præferti. Vide plura circa hanc potissimum juris Civilis Materiam apud Aut. Method. §. cit.

## §. IV.

*De substitutione, quæ sit per fiducię commissionem?*

Fidei Comissum in genere dici potest, quod per intermedium personam, sive per ministerium alterius alicui relinquitur.

Du-